

اول-ينو 42

- 1 غمكلِّي عيَّيري-وژنكض لعين زغ-فتان-وامان،
غمكان ا-ك-تيريغ ا-رَبِّي.
- 2 ها-يِّي ياغ-يِّي عيريفي-نَّك ا-رَبِّي عيدرن.
ماناڭو را-يِّي-تادجت ا-ن-ديك-مناڭارغ
ا-كمورغ-ن سرك ا-رَبِّي؟
- 3 غ-بيض ءولا ازال عيمطاون ا-يڭان تيرمت-ينو.
ار-يِّي-تئين بدا «مانزا رَبِّي-نَّك؟»
- 4 ار-تَبِّي تاسا-نو غاكود نا-د-سوينڭيمغ
ءوسان-ان غ-ا-تمونوغ د-ايتما ڭوتنين.
ار-اسن-زڭوروغ س-تڭمِّي تامرلايت،
ار-نتالّ اوال-نغ ار-نتالغ رَبِّي،
ار-اس-نئيرير س-يموريڭن د-لفرح.
- 5 وا-ول-ينو، ماخ ا-كي-تاغ-تڭوذي؟
ماخ ايلّغ تغوفيت غ-وڭنس-ينو؟
رجو-ن غيلاد غ-رَبِّي، اشكو راد-اس-داغ-تحمادغ.
نتان ا-يڭان انڭام-ينو عيڭ رَبِّي-نو.
- 6 وا-رَبِّي كَيِّي ا-غ-ا-سوينڭيمغ،
اح-ينو زوڭغ تنغ-يِّي-تڭوذي،
7 تاوي-يِّي زوند انگاي ن-واسيف ن-وردون،
زوند امان ضرنين زغ-حارمون غ-ودرار ن-ميصعار.
8 غ-وزال ا-فلا-تيلي تايري ن-رَبِّي،
د-بيض س-يموريڭن ا-س-ا-ياس-تيريغ.
ار-تؤالاغ عي-والي-يِّي-ياڭان تودرت.
9 سقساغ رَبِّي لِي-يِّي-يڭان اجاريف لامان،
«ماخ ايلّغ-يِّي-تفلت؟»
ماخ ا-تودجيت ايت-لعار ا-يِّي-تنغادن؟»
10 ار-يِّي-برين نئني س-طنز-نسن.
ار-يِّي-تئين بدا «مانزا رَبِّي-نَّك؟»
- 11 وا-ول-ينو، ماخ ا-كي-تاغ-تڭوذي؟
ماخ ايلّغ تغوفيت غ-وڭنس-ينو؟
رجو-ن غيلاد غ-رَبِّي، اشكو راد-اس-داغ-تحمادغ.
نتان ا-يڭان انڭام-ينو عيڭ رَبِّي-نو.